

Noticia
Transparente
di Gobierno

ISLA ONLINE

Dialuna 29 April 2024

Email: IslaOnline@gobierno.aw Tel: 528-4952

ARTE DI MURAYA
SAN NICOLAS



Gabinete Wever-Croes



ENTREVISTA DI PROME MINISTER CU E REVISTA CONOCI NA HULANDA "DIPLOMAT AFFAIRS MAGAZINE - IN TOUCH WITH THE DUTCH"

Durante su bishita na Hulanda na Maart ultimo, Prome Minister Evelyn Wever-Croes a wordo entrevista pa e revista reconoci na Hulanda "Diplomat Affairs Magazine - in touch with the Dutch" cu ta celebrando nan di 10 aniversario. Durante e entrevista, Prome Minister a duna splicacion amplio riba varios tema importante pa pais Aruba.

Crecemento Economico

Prome Minister a splica cu Aruba su aliado y socionan ta referi na Aruba como un nacion orguyoso. E isla ta goza di un clima fantastico, hendenan amabel, y playanan bunita, cu ta e factornan principal pa atrae mas y mas turista. Tambe el a indica cu mientras cu turistanan ta goza di e hospitalidad y beyeza natural di e isla, nos como ciudadano ta orguyoso di e resiliencia di nos hendenan y nan habilidad pa resolve tur problema. Despues cu a cera e refinaria, Aruba a cuminsa inverti den infraestructura, acomodacion, y cursonan di hospitalidad, combirtiendo Aruba asina den e destinacion vacacional mas favorito pa e turistanan. Awe Aruba su pilar economico ta turismo cu ta creciendo dia y dia mas.

E necesidad pa Diversificacion di Economia despues di Pandemia

Mirando cu Aruba ta e isla mas afecta durante e pandemia di Covid-19, a mira e necesidad di cuminsa traha riba diversificacion di economia. Aruba a identifica 6 sector pa inversion, cual ta agricultura, economia circular, industrianan creativo, conocimiento economico, logistica y "niche tourism". Prome Minister a indica cu apesar di e retonan cu e pandemia

ARUBA AS AN INVESTMENT HUB IN THE CARIBBEAN

As part of our economic strategy, Aruba aims to become a leading investment destination in the Caribbean, attracting investors from the region and within the Kingdom of the Netherlands

Document: "Diplomat Affairs Magazine - 10th Anniversary 2024" loaded from issuu.com

By H.E. Mrs. Evelyn Wever-Croes, Prime Minister of Aruba



H.E. Mrs. Evelyn Wever-Croes, Prime Minister of Aruba

The Kingdom of the Netherlands is a sovereign state composed of four distinct constituent countries: the Netherlands, Aruba, Curaçao, and Sint Maarten. This geopolitical entity is characterized by its remarkable cultural diversity, with each constituent country offering unique contributions to the Kingdom. Aruba is an autonomous country within the Kingdom of the Netherlands with its own government and parliament and governs all internal affairs, including laws, policies, and currency. As part of the overarching Kingdom of the Netherlands, the Netherlands oversees the defense and foreign affairs of the Kingdom, which includes Aruba. Aruba's history with the Netherlands dates to 1636, when the Dutch occupied the island to protect their salt supply and establish a Caribbean naval base during the Eighty Years'



SHDIPLOMAT AFFAIRS

a challenging, intense and difficult process against the Netherlands, Aruba became an autonomous country within the Kingdom of the Netherlands on January 1st, 1986.

Aruba's Journey to Economic Growth
Aruba's allies and partners refer to us as a proud nation, a statement we recognize and embrace. Pristine beaches and fantastic weather surround us, and tourism is a thriving economy. While visitors enjoy our natural beauty and hospitality, we take pride in the resilience and resourcefulness of our people. Our economic journey has been diverse, from reliance on slavery and natural resources to embracing industries like oil refining and tourism. During the 1800s, Aruba's economy relied on slavery and the trafficking/movement

of indigenous people from nearby South American countries, but the discovery of gold and guano (phosphate) on the island shifted its focus to natural resources. A land once perceived as a 'useless island' by Spanish Conquistadors became a hub of industries exploiting natural resources and its strategic Caribbean location. The 'cunilleros' or Aruban farmers, particularly felt this transformation during the dry season when unemployment peaked. Despite the arid climate limiting crop diversity, also thrived, making Aruba a leading supplier of aloin resin in the region during the 19th century. In the early 20th century, Aruba departed from using natural resources. It shifted its focus to a new industry when the oil refinery and oil transport company was established on the island. The locals faced initial challenges due to language barriers

-they could not speak English- and the lack of training required to work in a refinery. Despite setbacks, our community persevered, adapted, and thrived. The closure of the oil refinery in 1985 dealt a significant blow to our economy, but with autonomy in 1986, we took control of our economic development. The Aruban Government boosted tourism by investing in infrastructure, accommodation, and hospitality training, contributing to our status as a premier Caribbean destination.

COVID-19: the need for economic diversification
Aruba's resilience and innovation have long been cornerstones of its history, particularly evident during trying times like the COVID-19 pandemic. In response to the crisis, the Government of Aruba swiftly

implemented flight cancellations and border closures, underscoring the island's economic vulnerability and heavy dependence on tourism. Recognizing the imperative of economic diversification even before the pandemic, Aruba identified six key sectors for strategic investment: agriculture, circular economy, creative industries, knowledge economy, logistics, and niche tourism. The pandemic expedited efforts to bolster growth in these sectors, showcasing Aruba's ability to adapt and progress in adversity.

The economic vitality of Aruba is mirrored in its 2023 GDP per capita of \$35,72 thousand and an unemployment rate of 8.5%. Despite the challenges of the global pandemic in 2020, Aruba experienced a remarkable 27.6% GDP growth in 2021. Moreover, between 2022 and 2023, the GDP continued to expand,

DIPLOMAT AFFAIRS 55

global a trece cu ne, Aruba a mira un crecimiento remarkabel den e GDP di 27.6% na 2021, cu a sigui crece den 2022 y 2023. E ta di suma importancia pa Aruba enfoca riba e diversificacion economico, y maneho financiero responsabel pa sigura e crecimiento continuo di e GDP.

E Crecemento den Turismo despues di e Pandemia y e Resiliencia di Pais Aruba

E crecimiento turistico di pais Aruba ta remarcabel. Durante aña Aruba ricibi 1.24 milyon di turista, mustrandu asina un crecimiento di mas cu 11% compara cu prome cu pandemia. E mercado Mericano ta hunga un rol grandi den e crecimiento aki, hunto cu e mercado Latino cu tambe a crece debi na aereolinianan nobo, y e cooperacion di e partners latino. Turismo Crucero tambe a mira un crecimiento, reafirmando asina cu Aruba ta un destinacion atractivo pa e mercado crucero.

Continuacion ENTREVISTA DI PROME MINISTER CU E REVISTA CONOCI NA HULANDA....

Aruba como Centro di Inversion

Prome Minister a indica cu e meta di pais Aruba, ta pa bira un destinacion lider den inversion den Caribe, atraendo inversionistanan di den region, y den Reino Hulandes. Un di e strategianan cu a uza pa logra esaki, ta e Aruba Investment Summit (AIS24), cu Aruba a organisa na Den Haag, Hulanda. E iniciativa aki a conta cu colaboracion di Ministerio di Economia, Comunicacion, y Desaroyo Sostenibel, tambe di Departamento di Asuntonan Economico y Industria di Aruba, Aruba Investment Agency, Kamer van Koophandel, y VNO Aruba. AIS24 a ofrece un plataforma na unda participantenan por a explora oportunidad di inversion, y posibilidad di un "partnership".

Maneho Financiero Responsabel y Reconocemento internacional

Aruba a sa di logra un progreso remarkabel den e ultimo añanan, demostrando asina e compromiso di un gobernacion diligente y practicanan fiscal transparente, dunando prioridad na mantene na nivel internacional y cumplimento tecnico cu e 'Financial Action Task Force (FATF). Aruba su dedicacion pa mantene e standardnan internacional a wordo demostra den e ultimo evaluacion di "Caribbean Financial Task Force (CAFT). Esakinan sigur ta logronan financiero grandi pa Aruba y muestra di tin un maneho financiero responsabel.

Colaboracion Multilateral pa Solucionnan Innovativo y Sostenibel

Colaboracion multilateral ta importante pa por adresa e retonan global manera cambio climatico, y pa logra metanan colectivo manera desaroyo economico y sostenibilidad. Como isla chikito, Aruba ta vulnerabel na cambio di clima. E ocurencianan aki por afecta medionan di bida, infraestructura y ecosistema

di e isla. Tambe mirando cu Aruba ta limita riba su recirsonan natural y ta depende di importacion di producto, esaki por afecta prijsnan, afectando asina turismo y comercio. Pa loke ta cambio climatico, Aruba ta alinea cu iniciativanan global participando asina na e diferente conferencianan di clima den region. Tambe Aruba a ahusta su 'National Energy Policy" , enfocando riba energia renobabel.

Prome Minister ta sumamente satisfecho cu e resultado di suentrevista den e prestigioso revista aki, dunando asina un bista completo riba tur e desaroyonan andando, y e iniciativanan cu Aruba a bin ta eherciendo.

DIPLOMAT AFFAIRS

Document: "Diplomat Affairs Magazine - 10th Anniversary 2024" loaded from Issuu.com



AMBASSADOR FERNANDO ARIAS DIRECTOR-GENERAL OF THE OPCW SHARES INSIGHTS ON THE CONTINUOUS NEED FOR THE OPCW IN THE POST DESTRUCTION ERA

KING WILLEM-ALEXANDER CELEBRATES KING'S DAY WITH THE ROYAL FAMILY IN MUNICIPALITY OF EMMEN

THE HAGUE 125 YEARS OF PEACE AND JUSTICE A BEACON FOR GLOBAL GOVERNANCE

WORLD EXPO 2025 OSAKA KANSAI JAPAN DUTCH PAVILION - SUSTAINABLE SOLUTIONS

DIPLOMAT CLUB WASSENAAR WELCOMES AMBASSADORS

10TH ANNIVERSARY

Prome Minister Evelyn Wever-Croes:

GOBIERNO DI ARUBA TA FIRMA E ACUERDO RIBA INDEXERING CU SINDICATONAN



Dialuna atardi durante conferencia di prensa di Gobierno di Aruba, Prome Minister Evelyn Wever-Croes hunto cu señor Edward Maduro, lider sindical di SADA, a anuncia cu e acuerdo riba e tema di indexering 2018 pa 2023 a wordo firma. E firmamento a tuma lugar durante un transmision en bibo den presencia di Gobierno di Aruba y lidernan sindical.

Prome Minister a indica cu como bon doño di trabou, Gobierno ta reconoce e esfuersonan grandi cu empleadonan publico ta haci dia den dia afor pa sirbi e comunidad di Aruba. Ta importante pa menciona cu Gobierno di Aruba ta reconoce cu e empleadonan publico, mescos cu comunidad completo, tambe a sufri pa loke ta trata e poder di forsa di compra durante e añanan cu tin tras di lomba, debi na inflacion.

Durante e periodo di Mei 2020 pa December 2022, como muestra di solidaridad, nan a entrega 12.6% di nan salario pa motibo di e pandemia. E añanan anterior, Gobierno no a reconoce e perdida di forsa di compra, p'esey durante e negociacionnan a bin hunto cu sindicatonan pa yega na e suma apropiada pa duna como compensacion. Apreciando e esfuerso di cada trahado, Gobierno y representantenan sindical, a yega na un acuerdo den beneficio di empleadonan publico.

Prome Minister a splica cu prome cu por a yega na un acuerdo financiero asina, Gobierno mester a traha na crea espacio financiero pa por cumpli tambe cu e trahadonan, teniendo na cuenta e espacio y normanan financiero. Finalmente, a logra yega na un acuerdo pa loke ta trata indexering di e sueldo di empleadonan publico y "gelijkgesteld".

E punto di salida tabata e cifra di inflacion di e periodo 2018 te cu 2023, cu ta un total di 6 año. Conforme cifranan di Departamento di Estadística, e inflacion riba e promedio anual di e índice di prijs di consumo, tabata pa e temporada aki 16.8%. Mester menciona cu negociacionnan a cuminsa na 2018, 2019, y despues pandemia a bati na porta, pero comienso di e año aki, Gobierno y lidernan sindical a sinta na mesa pa purba yega na un acuerdo caminda Gobierno ta crea espacio financiero pa por compensa 11.7% di e perdida



di forsa di compra den salario di empleadonan publico pa e periodo di 2018-2023.

Prome Minister a indica cu e 11.7% ta bay wordo paga na e siguiente forma:

- 1) Entrante 1 di Juli 2024 ta aumenta salario di empleadonan publico y "gelijkgesteld" cu 6%.
- 2) Entrante 1 di Januari 2025 ta aumenta salario di empleadonan publico y "gelijkgesteld" cu 5.7%
- 3) E primanan lo keda na Awg 6,387 anualmente.

E 11.7% aki ya caba ta inclui den e presupuesto, y e 6% ta inclui den e voorjaarsnota cu ta e cambio di presupuesto cu ta na caminda pa Parlamento. Tambe tin inclui den e voorjaarsnota Awg 2.8 milyon pa e reparatie toeslag y bijstand pa asina por duna poco bek na e perdida di forsa di compra di esnan mas vulnerabel den comunidad.

"Mi kier gradici nos profesionalnan cu a yuda nos crea e espacio financiero, y tambe durante e negociacionnan. Tambe mi kier gradici señor Orlando Senchi cu ta traha na mi ministerio cu a fungi como un persona interlocutor entre sindicatonan y Gobierno pa asina facilita e proceso. Un danki tambe na tur empleado publico pa nan sacrificio y dedicacion durante e periodo di espera.

Por ultimo mi ta gradici e sindicatonan, cu despues di negociacionnan intenso, den un tempo cortico y na un manera profesional, a logra yega na un acuerdo cu Gobierno na bienestar di empleadonan publico. Nos lo sigui traha na un forma structural pa atende cu e tema aki, pa futuro gobiernonan por cumpli cada año cu loke ta indexering, evitando asina añanan di retraso y accionnan di sindicatonan pa loke ta indexering den futuro.

Mi ta felicita tur empleado publico, "gelijkgesteld" y sindicatonan cu e logro aki, y ta gradici un biaha mas e sindicatonan pa tur loke nan ta haci pa hiba Aruba padilanti. Danki na boso, tur empleado publico lo mira un aumento den nan salario pronto," Prome Minister a expresa. ■■■■





E CAMPEONATO FIFA WORLD CUP QUALIFIERS LO TUMA LUGA DEN COMPLEHO DEPORTIVO GUILLERMO PROSPERO TRININIDAD NA DAKOTA DIA 8 DI JUNI 2024



Durante Conferencia di Prensa di Gobierno di Aruba dia 25 di april 2024, Minister di Enseñansa y Deporte Endy Croes a duna informacion di e desaroyonan cu ta tumando lugha na Compleho Deportivo Guillermo Prospero Trinidad na Dakota. Manera ta conoci, Compleho Deportivo Guillermo Prospero Trinidad ta den proceso di renobacion desde aña 2023. E compania cu ta haciendo e parti concreto ta bashando e tribuna e siman aki. Tin un otro compania cu ta encarga cu e parti di electricidad, cual mester reinstala. Banda di esaki, e compania AstroTurf a aloca e turf nobo cu ya ta certifica pa FIFA pa e proximo 10 añanan.

Recientemente, a baha e ocho (8) postenan di luz y a transporta nan na otro sitio pa drecha nan completamente y lo instala e luznan bek den e luna di mei. A inverti den e luznan marca Philips cu ya caba a yega Aruba. CONCACAF y FIFA a exige luz di minimo 800 lux. Pues awo e stadion lo conta cu luz cu suficiente iluminacion pa cumpli cu e standardnan internacional. Antes e stadion tabata conta cu luz di solamente 150 lux. Ta planifica pa finalisa esaki den e luna di mei. Minister Endy Croes a indica cu dia 8 di juni 2024, Aruba su Seleccion Masculino lo enfrenta Corsou den Compleho Deportivo Guillermo Prospero Trinidad den oranan di anochi estrenando e luznan nobo.

Mientrastanto, a remove e atletiekbaan pa cuminsa cu e proceso di renobacion den e luna di juni despues di e campeonato di FIFA World Cup Qualifiers dia 8 di juni 2024. Ta premira cu den e luna di augustus lo finalisa e parti aki y den e luna di september e inauguracion oficial lo tuma lugha. ■■■■



Minister Endy Croes:

SR. HUGO THEMEN A RICIBI RECONOCIMIENTO DI BALUARTE DEN DEPORTE DURANTE PREMIO EXCELENCIA DEN DEPORTE

Diabierna ultimo, e gran evento di gala Premio Excelencia den Deporte 2023 a tuma luga den e prestigioso ballroom di Renaissance Convention Center. Durante e gran evento deportivo aki, Sr. Hugo Themen a ricibi reconocimiento Baluarte den Deporte for di man di Premier Evelyn Wever-Croes. Sr. Hugo Themen ta referee di hisamento di peso. Sr. Themen a inicia su trayectoria deportivo na aña 1974 como atleta y despues a bira entrenador di hisamento di peso. Den su trayectoria, Sr. Themen a bira campeon di Aruba varios biaha.

Despues di aña 1978, Sr. Themen a bay biba na Hulanda y a sigui practica e deporte di hisamento di peso eyan. Sr. Themen tabata forma parti di e Seleccion di Hulanda y 12 biaha a titula campeon di Hulanda. Na aña 1992, Sr. Themen a regresa Aruba y guia varios deporte como entrenador di hisamento di peso pa Weganan Olimpico. Awendia, Sr. Themen ta competi ainda y participa den diferente competencia di master, cual a titula 12 biaha Campeon Panamericano y alrededor di 5 biaha campeon Centro Americano y del Caribe. Banda di esaki, Sr. Themen ta fungi como referee internacional. Sr. Themen



ta encurasha e hobennan cu ta desea di practica e deporte aki pa pasa Compleho Deportivo Frans Figaroa pa inscribi. Finalmente, Minister Endy Croes ta gradici Sr. Hugo Themen pa pone Aruba su nomber briya varios biaha den exterior y ta felicit'e cu su reconocimiento di Baluarte Deportivo bon mereci. Aruba ta orguyoso di bo.

PREMIO EXCELENCIA DEN DEPORTE A OTORGA RECONOCIMIENTO NA BALUARTE DEN DEPORTE SR. TEOFILO TROMP

Premio Excelencia den Deporte a rindi homenahe na baluarte deportivo Sr. Teofilo Tromp, miho conoci como Tito. Prome Minister Evelyn Wever-Croes a haci entrega di e reconocimiento di Baluarte den Deporte na Sr. Tito. Na un edad hoben Sr. Tito a cuminsa practica deporte di pingpong y volleyball, cual el a destaca mas den e deporte di volleyball. Pa mas di 35 aña, Sr. Tito a practica e deporte di volleyball. Despues cu Sr. Tito a regresa di Merca, e interes pa drag race a cuminsa. Banda di e deporte di volleyball, Sr. Tito a cuminsa practica e deporte di drag race.

E mesun tempo ey na aña 1980, Sr. Tito a lanta e ekipo di drag race Brazilian Flash Racing Foundation cu ta cumpliendo e aña aki 35 aniversario. Di eyan e trayectoria di drag race a inicia, den cual te awe ta eherce como "driver" y "team owner". Sr. Tito a titula campeon varios biaha, tanto den e deporte di volleyball como drag race. E satisfaccion mas grandi di Sr. Tito ta cu su ekipo Brazilian Flash Racing Foundation lo existi pa hopi aña mas. Minister Endy Croes ta felicita Sr. Tito cu su gran logronan den e mundo deportivo. Cu deseo, disciplina, dedicacion y determinacion ta logra.



Minister Endy Croes:

A BASHA ASFALT NOBO NA PALO MARGA CU TA CUMPLI CU E STANDARDNAN INTERNACIONAL



Recientemente, durante Conferencia di Prensa di Gobierno di Aruba, Minister di Enseñansa y Deporte Endy Croes a informa cu e proyecto di renobacion di e pista di Palo Marga a inicia. Manera ta conoci, desde aña 2023 a aloca 26 poste di luz ultramoderno LED light di marca Philips, cual tabata un inversion di 450 mil florin. Aña pasa juli, e mandatario di Deporte a priminti cu den 2024 lo aloca fondo suficiente pa e renobacion di e pista pa cumpli cu e standardnan internacional, cual tambe tabata un prioridad.

Pa esaki, a trece Sr. Kurt Johnson di Total Venue Concepts, un profesional den e preparacion di pista di drag racing na Merca. Lo uza un mix special pa e pista, esta “race quality asphalt”. A percursa pa e fondonan yega pa realisa e proyecto di Palo Marga, pa cumpli cu e condicionnan internacional y tin un pista certifica pa e proximo 15 añanan. Na Aruba no tin tur ekipo, sinembargo a traves di e contactonan di Sr. Kurt Johnson a ricibi un oferta adicional pa complementa e proyecto aki. Ademas di esaki, AWM a trece un experto di Hulanda pa segura cu e asphalt lo wordo basha na un nivel halto, ya cu pa e pista wordo certifica ta papia di tolerancianan di milimeter.

Banda di esaki, C2 ta un di e otro companianan cu tambe tabata responsabel pa e renobacion di e pista. Diabierna ultimo, C2 a basha e ultimo fase di concreto y a entrega e proyecto na ABM na tempo. Minister Endy Croes a informa durante conferencia di prensa cu e asphalt a wordo basha caba. Un proyecto grandi di alrededor 1.9 miyon florin. Minister Endy Croes a indica cu ta planifica pa e proyecto ta completamente finalisa pa fin di mei di e aña aki. ■■■



Minister Endy Croes:

DIA 3 DI MEI PROXIMO TA LANSA E PROGRAMA OFICIAL DI E DI TRES EDICION DI WEGANAN ESCOLAR (WE) ARUBA 2024



Diaranson ultimo, Minister di Enseñansa y Deporte Endy Croes y IBI Sa a acudi na John F. Kennedy Education Center Aruba, unda a reuni cu cabesante y docente di gym di 40 scol di Aruba cu a clasifica pa participa den Weganan Escolar (WE) Aruba 2024. A hiba un reunion ameno, unda a duna e cabesante- y docentenan espacio pa duna nan input riba algun apecto pa ahusta prome cu lansa e programa oficial durante conferencia di prensa dia 3 di mei proximo.



Minister Endy Croes a indica cu e gran apertura ta tuma luga dia 1 di juni y ta clausura 15 dia juni, pues dos (2) siman di competencia, unda e scolnan lo bataya contra otro pa conquista e titulo maximo. Kamilah Dammer di IBI SA a indica cu alrededor di mil estudiante di diferente scol preparatorio, basico y secundario lo competi contra otro den diferente deporte. Hunto ta trahando riba e concepto final pa present'e diabierna binidero. Pa finalisa, Minister Endy Croes ta desea tur scol cu ta bay competi den e campeonato di WE Aruba hopi exito. ■■■





Danki na iniciativanan di Gabinete Wever-Croes pa cu e mercado laboral **DESEMPLEO TA SIGUI BAHATE NA 4% DEN 2023**

Dialuna mainta durante conferencia di prensa di Gobierno, Minister di Labor a anuncia e grato noticia cu e porcentahe di desempleo pa aña 2023 a baha te na 4%. Esaki sigur ta un noticia agradabel, mirando tur e iniciativanan cu Gabinete Wever-Croes a bin ta haciendo pa e mercado laboral.

Minister Croes a splica cu desde cu Gabinete Wever-Croes a asumi encargo di gobernacion di pais Aruba, e cifra di desempleo a desaroya positivamente. Na inicio di gobernacion na 2017, e porcentahe di desempleo tabata na 8.9%. Gobierno a cuminsa traha y bin cu iniciativanan pa cu e mercado laboral, rebahando e porcentahe aki na 2018, te na 7.3%, y na 2019 te na 5.2%.



Lamentablemente na 2020, Aruba a haye confronta cu e pandemia global di Covid-19, cu a conduci un subida grandi den e porcentahe di desempleo. Apesar cu e cifra di 8.6% ta uno halto, considerando e impacto desastroso cu e pandemia aki tabata tin riba pais Aruba, e cifra por tabata pio.

Na momento cu Aruba a conoce su prome caso di covid-19, Gobierno a haye den un situacion na unda mester a sera e frontera, evitando asina cu bishitante por drenta pais Aruba. Mirando cu turismo ta e pilar di nos economia, e decision aki pa protehe e ciudadanonan di pais Aruba, tabata tin un efecto desastroso riba e economia. Si no ta pa e subsidio di salario na comercio, fondo di asistencia social di emergencia, apoyo na companianan mediano y chikito etc., e resultado di e cifra di desempleo lo por tabata pio.

Minister Croes a indica cu na 2021, e cifra a subi na 8.8%, pero danki na e recuperacion economico di pais Aruba, na aña 2022, a conoce un rebaho den e cifra di desempleo. E cifra aki di 4.3%, ta un muestra di tur e iniciativanan cu gobierno a bin cune pa e mercado laboral. Gobierno a enfoca na pone nos hendenan local prome na trabou, y tambe a bin cu un politica di integracion na unda a duna esnan cu tabata fisicamente na Aruba e oportunidad pa legalisa nan mes, aportando asina na e caha di gobierno.

"Cu hopi orguyo, mi ta anuncia awe, cu danki na tur e trabounan duro di e gobierno actual, e cifra di desempleo pa aña 2023 ta na 4%. Esaki sigur ta trece cune un sentimento di satisfaccion, pa sa cu tur nos esfuerzo durante añanan pa yuda nos ciudadanonan tin un miho bida, ta dunando su fruto" Minister Croes a expresa. ■■■



Fundacion Mi Voz Ta Bo Voz, Comision Nacional di Abuso Sexual di Mucha
y Gobierno di Aruba ta presenta:

Charla Conscientisacion y Prevencion di Abuso di Mucha

Speakers:

Drs. Melva Croes-Yanez | NeuroPsycholoog

Dr. Audrey Khan | Klinische Psycholoog

Sra. Magali Maduro | Directora Bureau Sostenemi

Sra. Omaira Britten | Poeta

7 pm - 9 pm

MFA SAVANETA | 30 april 2024

Nos muchanan Nos responsabilidad!



Gabinete Wever-Croes

Murayanan na San Nicolas, cu un tempo tawata silencioso y senciyo, a bira inspiracion pa creatividad dinamico di varios artista. Cada arte di muraya ta un celebracion di diversidad, cultura y union, dunando bida na murayanan y transforma nan den obranan maestro.

2024

AÑA DI STABILIDAD Y PROSPERIDAD